

清狂詩鈔

清 狂 詩 鈔	卷 一	卷 二	卷 三	卷 四
一 六			一	三 四 五

吉田松陰先生評

清狂詩鈔

松下邨塾藏版

浮屠清狂傳

浮屠月性字知圓。號清狂。周防遠岫妙圓寺主也。幼
荒于學。母氏督課甚嚴。月性感悟力學。年十五始出
鄉。學詩於豐習佛於肥。去之上國。徃來京畿間。東之
常毛。北之越。與天下名士相唱酬者。十有七年。詩名
大興。先輩激賞。以為靈一皓然流亞。然月性雖以詩
施聲一時。顧不自以屑。常以夷寇為憂。嘗讀西蕃紀
傳。至葡萄牙以匪教誘。哇。遂奪其國事。慨然以謂
彼之所以得民心者。有一天主教耳。彼既以教誘民。
我亦不可不以教結民。民之易感且入者。莫如吾黨。



教而國家之託釋氏。以使防匪教者久矣。一旦彼以其所施於呱哇者。來而施於我。則其為患匪細。吾將以我教結此民。其講法輒先申此意。至誠懇到。言與泣共。民皆感激趨之。城中傳聞。爭請以聽其講。錄者常數千人。藩老益田福原浦三氏尤愛之。數延見。使其縱談。且遣之。其末邑講說。於是月性名喧于遠近。呼曰海防僧。或譏笑之曰。髡而談當世事。非狂之甚邪。月性聞之曰。吾固辨清狂。何願汝輩之吠怪哉。願舉世忘國之大憂。搖首掉尾。士名而徇行者。吾深耻之。且濁而愿。與清而狂。孰得孰失。何願汝輩之吠怪。

哉。講論益勉。丙辰春。法主本願寺門跡。徵至京師。問其說。月性乃作書數千言呈之。法主大奇之。給俸銀。蓋之東山別院。將欲以有所用。梅田雲濱有志士也。與月性善。一日談及紀伊海備。屬月性。往說其國。月性即束裝至和歌山。大夫久野丹後。邀見。大悅其說。嘆曰。方外人憂慮如此。我輩肉食寧不自慚。紀藩自由井正雪之變後。執政巨室。不敢接他邦人。而月性破衲單身。突然性見。國相議國事。而大夫以下。不以為迂。豈不異乎。當此時。幕府方闢蝦夷。命本願寺主。遠往其徒。教導居民。月性膺撰。將往。不果而歸。未幾。

母氏沒。月性哀痛作狀。其辭極切。戊午春。

天朝有事。法主徵書再至。而月性暴病沈綿數日。自
知其不起。願謂其人曰。吾以狂愚。從士大夫遊。得以
博虛聲者。皆先妣之力也。今將往從泉下。以竟生前
未了之奉。死何足恨。但恨不為

朝家除法夷

患。是吾恨也。作短古一篇而逝。年四十二。是歲五月
某日也。月性狀貌魁梧。頭如粟茨。數旬不剃。至旅舍
主為越獄人。不遠許宿。性開蕩好酒。揮霍數百金。不
介意。與人議論。直遂不顧。嘗在某大夫邸。酒間謂大
夫曰。君家太宏。盡毀之。以為演武場乎。醉則取客劍

掀舞豪吟。旁若無人。或少觸其氣。則怒發不可忍。然
趨義如渴。出力洗人冤屈。是以賢者愛之。而衆人亦
安之。其譏焉者。未嘗悉其平生也。予與月性交久。其
來城中。多主于家。今春予出在外。月性來贈以一短
刀。付予。母去。予未及謝。而月性死矣。予每撫其刀。不
知涕之流落也。悲夫。

概曰。余奔月性喪於遠岢。為經紀後事。秋元生日。鄰
村有一女與母相依者。貧無自活。一日語其母曰。兒
所以得生育者。君親恩也。聞官有鑄礪舉。願沒身為
婢。得其傭錢。獻官。自抵里。正請之。蓋亦有感月性教

也。嗚呼！方今誠得如月性者若而人。天下不復憂夷狄矣。昔王介甫使其門僧知緣誘說木匠。時人謂之安撫大師。事與月性類。而未及月性之慨然自先。安藝有黠姦者。讀書好義。慷慨憂國。惜其藝不為世用。其餘于未之見也。

長門 土屋振撰

讀僧月性詩

二十一回猛士吉田寅

余耳月性名。且十年矣。未目其面也。聞月性髡頂緇衣。耽詩使酒。宕跌多奇節。今得其詩。而口之。頗得其心矣。耳目姑廢可也。

數朶梅花滿座香。三椽檜及發硯光。清狂和尚聽吾語。清未足奇何若狂。

名利寰區屢作真。誰臨大節致其身。堂堂君子何顏面。方外却看憂世人。

曾將專念主為雛。儒士爾來交口尤。豈圖文教隆興

際扶植經常屬此流。

雄文不但若長川。性命乃期爲國捐。安心借問如何處。楠子墓邊卜墓田。

與月性老師

鐵錫入菴。勸止無恙。萬福萬福。向賜岩楮一束。詞曰。供著述之用。尋賜藥物十品。詞曰。供疾病之防。厚意勤渠。不知所謝。但寅碌碌守舊。無新見異識。上楮而傳人。愚頑推鈍如石如木。雖在日月所不照。亦未爲魔妖所侵。乃無用于藥物也。然於此有感焉。病之未來。人皆不知求之藥。及其已革也。百方求藥。無有及

者也。噫。防之貴豫。何獨病而已哉。茲展所賜之楮。言謝如此。聞以今日開講場於明安寺。衆生之難度。非上人其誰度之。伏惟自重。不。四月四日。

與月性上人

上人講法。常以振士氣。固民心。為主。僕聞之。謂民心固矣。可以守焉。未足以戰也。士氣振矣。可以戰焉。未足以守也。民心固而士氣振。可以守。可以戰。講法之不可已。其在此。然尚疑其效未至于此。明安寺法場。起四日。至今日止。僅卜七日耳。而獄舍奴卒。徃徃起聽。爲之感奮。思致身報國。獄奴至賤。至愚。猶能如斯。

況其他乎。僕於是益嘆法之有效也。僕觀天下人衆矣。易動以理義者。莫如吾防長人。固非如東西人頑鈍然也。然進銳者退速。成易者敗脆。物之常也。是不可不察也。孟子曰。山徑之蹊間。介然用之而成路。為間不用則茅塞之矣。然則路一成。莫如使人用之不絕。上人已披荆棘。排蒙茸。其亦思所以繼之者。是社稷之福。何必待戰守而後知哉。審上人。以明日離菽城入大津。大津沿海之郡。其民愈朴愈純。其感奮有。更過于菽人者。惟上人察之。不具。四月十日。

與月性上人

僕與濫生。奮為狂悖。一敗為囚。是因所順。受不辭也。而濫生乃棄僕而先逝。於僕心。則有憾焉者。濫生氣。銳才敏。而學未有所造。業未有所立。一朝濫焉。何以取信于人。而傳名于後哉。然生之生。固不以成敗為念。死寧以榮辱為心哉。僕固知其頭于地下也。但僕則有更憾焉者。生之生。已獲罪于國。死。又失孝于親。其埋不能成葬。其祭不能成奠。使父母反哭其子。臨其穴而後願之。無繼。是生猶能順于地下乎。嗟。所以僕之憾。遂不能釋然。上人桑門之老師。使人通于幽明。而安于死生。蓋其所以為教也。若引濫生之父母。

為誦經講法。使其曉然悟若生之死。得升天堂。而生不如死。無惑于幽明。而惑于死生。且榮之以一偈。僕至願何以尚焉。果如是。生初長眠于地下。而僕之憾亦有所冰釋也。唯上人惡察焉。雖然是固友生之癡情。生乃大笑于地下。亦未可知也。上人以為如何。不乙。四月念四。

送清狂師歸鄉序

吾性迂疎堅僻。於世事無所通曉。獨知以身先物。以犯艱冒儉而已。而懦夫庸人。乃往往駭愕。指目為孫復石介復生矣。嗚呼。明復守道。詢吾之所歛社而肅

敬嘆其不及也。然衆口積毀。誣罔國是。勢將起清流。東林之議矣。區區之身。不足惜焉。抑將何國家如。方外同志。清狂師。患其如斯。奮然飛錫。急走荻城。周旋諸公間。又造吾廬。交論國之正氣。不可不長養。而庸懦之論。不可聽也。於是吾徒之心始平。而諸公之疑亦解矣。使吾江家萬無衰漢季明之禍。清狂師之功。於是乎大矣。而不幾于所謂無智名勇功者乎。師又徵余記其鄉友秋本文字兵衛事。文字兵衛。邑正而知書者。其邑甚小。又介於強邑。近日強邑者來寇。文字密運奇計。使寇疑而自引去。亦幾于所謂勝於易

勝者矣。吾於是有所感焉。一鄉一國不足言矣。方今
四夷之事。天下之計。策士論者。方疾首苦心。為至難
至艱。智極而勇窮矣。以吾觀之。寧無平平易易無功
名可言者哉。牛刀割雞。陸地行舟。吾不能無感也。清
狂師向喪。毋忘甫訖。吾報達矣。飛錫直至。至數日。鄉
報至焉。三月朔。清狂乃去。吾感益深矣。故為序送之。
清狂名月性。周防遠時。明圓寺住持也。清狂雖僧。
好與天下名流交。其來藩府說法。府員學生。日相
從遊。時亦有論建。常以尊攘自任。扼腕流涕道之。
事猶在目。豈圖作序送之之後。寂月盡焉。示寂友

清狂。四一

人土屋松如。為立之傳。其文甚美。然此序所謂未
有論及焉。余因具書。平日相與始末。作書事一篇。
已而示之松如。松如借之。周布公輔。遂致亡矣。矣。
清狂素有詩名。手定吟稿三卷。藏諸家兄伯敏所。
清狂已寂。同志願謀上梓。以其多抵觸時事。旋復
遲回。獨護國論一卷。梓行于世。是論其說法大旨
者。清狂固自不朽人物。不假他人傳之。然余負清
狂者多。偶讀舊稿。愴然有懷。因書之。己未四月十
四夜寅書。

清狂詩鈔

乙卯

元旦試筆

我侯愛國愛民心。出其天性亦何深。去年地震海波蕩。廣徵直言及草莽。千歲稀遭言路開。危言各自託天災。吾亦草間憂國久。東風豈落諸人後。欲蓋微忠獻野芹。萬言試筆上書文。

二十一 回 狂 士 日 託 字 憂 國 人 至 情
古今希覩大試筆

無題

七里江山伴犬羊。震餘春色定荒涼。櫻花不帶瓊腥。

氣獨映朝陽薰國香。

婉曲有味絕妙

贈閨秀松女史 秋良氏

燕脂滌口亦論兵。不負阿爺報國誠。夷賊寇邊機已見。同君萬里築長城。

顏色如花鬢似雲。英姿已足壓妖氛。一戰功名播海外。應歸大東娘子軍。

百年治極士風衰。日本男兒劣女兒。峻子眉尖刀百鍊。一揮要雉四來夷。

閨秀或有善詩曲而無行者。諱有如松女史秋良之家法。可想公善揚出詩之乃有補于世教。

矣

贈閨秀侍婢 名久學捨

後凋須學歲寒松。莫向春風競冶容。娘子出軍征戰日。男裝好把鉞槍從。

上人松 在門月圓覺寺。應寺主某囑而作

十心本所十。八公我法與松其數同。宜哉師寺上人松。一向西方不向東。傳聞東本願寺之門主。濟度鎮西需法雨。佛威降伏薩州兵。毫光照耀豐公武。飯帆無恙渡周洋。候風此浦繫慈航。牛種推松摩且誓。木技生長指西方。又聞師寺開祖芥川氏。當時勇猛無

雙士。石山前後汎舟。役千里運糧。本願寺。遂歸。目緣
入佛門。子孫移住此松根。與松俱指西方國。法場
鬱綠陰繁。我來懷古撫枝幹。松陰坐激門徒勸。咄
尔曹萬物靈。不及孤松飯木願。

執政浦太夫父子延見賦此呈下執事

海天夜雨暗風雲。咫尺嚴洲望不分。大聲駟賊浦兵
部。一隊舟軍援義軍。橫海老鯨容易斃。神山一掃滅
妖氛。從此南征又北伐。水陸戰功常拔群。赫赫英名
載國史。大書特筆紀殊勲。子孫食祿三千石。遙沿南
海領封域。由來門閥生英主。藩臺執政任權職。今公

前後十餘年。勤勞久盡股肱力。補佐君侯臨萬民。變
理陰陽經二國。苞苴不行讒諛遠。忠勇家風尚撰直。
况其家宰多賢良。封邑近年庶政張。文有賓師武壯
士。兩堂研磨克己堂。更募民兵編隊伍。農壯商丁習
劍槍。人人趁義猶如渴。奮厲唯期殲犬羊。巨寇將成
大艦造。足以家軍守一方。我今優待蒙延見。溫顏再
接櫻花院。真是堂堂大國相。恩威並溢春風面。下問
從容及海防。一片丹心籌決戰。退按別院見郊君。杯
酒辱陪春皮醢。既醉劇談馳捧喝。眼光猶閃復巖電。
嗚呼君家父子國干城。內外為治須屬精。外夷強大

過陶賊水軍莫辱祖先名。若有火船來海岸。直乘風
兩進神兵。大聲喝破夷蠻膽。金戈跨海戮長鯨。並風
一掃妖氛滅。賴君南海再澄清。

大夫真像
摺台收應妙妙

同中村秋良二子訪松齋翁翁招小川中川八

谷北條諸君俱飲賦呈主人翁

國中持總會鶴
同神祠松一株

于時櫻花亦盛
開及後鄉友之

高堂置酒講邊防。音吐如鐘震八方。滿座群雄皆踔
迅。四朝元老獨鷹揚。帶風松樹生神籟。映日櫻花耀
國光。天為侯家留柱石。稱觴共祝壽而康。

齊在 三

逸防二字合篇骨于下而
反是隱助不顯老于段

上已黃波渡客中作

于時恭佐世大夫內駕親
法按邑之海岸寺

濟度隨緣入。大津黃波渡口欲殘春。海中新菜牽裙
帶。庭上落花鋪錦茵。教化移風封邑主。勃興趨義僻
鄉民。何妨說法偷閒暇。小酌聊酬被揆辰。

佐世大夫延見鳳池硯加金賜之賦呈。

画堂延見賜金觥。一醉韶光與有榮。喬木參天圍古
國。落花浮水遶春城。封疆莫弛防邊備。草莽猶存敵
愾誠。池上鳳毛文彩美。愧無詞筆報陶泓。

口羽德祐及赤川兄弟蒙命游學關東。廷路見

訪草堂中村齋藤二氏及口羽家臣坂上某亦
從行焉。留宿三日。臨別賦贈。

三子大藩文武英。特蒙恩命去東征。迂路賁臨狂草
堂。一曲狂歌壯遠行。口郎門閥名家子。大臣游學自
君始。十歲能文兼賦詩。萬卷博通和漢文。遠大規模
所望君。幕下宜交天下士。雖無良友足切磋。伴讀從
行阪上氏。大赤眇然小丈夫。對人沈默貌如愚。學問
文詩已小成。大成則可作醇儒。但其酣醉揮毫去。雲
煙變幻龍蛇趨。小赤少年高負抱。英雄獨歷文軍倒。
千言萬語論鋒銜。五嶽三山筆陣掃。區區不慕俗儒

流欲學。皇朝神聖道。村藤二子亦時髦。一喜國歌
一豹韜。留宿草堂三日夜。放吟劍舞與何豪。今也蠻
戎交乘。詔外寇邊患天下共。我侯憂國殊尤深。為育
人才欲大用。諸君一飯不忘君。優游勿學浮華文。文
武隨才成實學。共策攘夷不世勲。

送赤川忠亮游水府從學會沢翁。

尊奉天朝斥外夷。一編新論有餘師。丈夫親就其
人學。足定神州萬世基。

再赴政府過夏木原得一絕。

深春雨歇趁飯程。處處殘梅聽老鶯。今日夏來原上

過滿山新綠子規聲。

夏來原標成全首是絕句用地名法然
轉語輕快與富偶可一為之耳

瀨門崎崎亦瀨大津郡應即宰安
氏請說法于淨觀寺

兩度津梁諭海限。瀨門崎上暫淹留。平沙曉鬧青魚市。遠浦晴分白鷺洲。不審百年時勢變。安知今日國
家憂。土人常製鯨鯢術。採用船軍戮虜酋。

不受無製鯨之術而受無採用之人開安戶氏
轉官守京師上人到京或時相見亦為言之

贈二十一回猛士在野山獄中每句押韻

君不開輿地球周九萬里。航海諸蠻由一水。大火輪
船旋轉駛。輾波千里猶彈指。東海西洋無遠迹。通商

拓土不窮已。我國神山環海峙。絕壁暗隳天造巖。

皇基賴固三千紀。未受外蠻凌辱耻。東海墨夷元蠢

爾。遂請幕庭開互市。千年綱紀一朝弛。遂割神州

養犬豕。豆州南港霜田涘。人禽雜糅相接趾。海內多

難從此始。慷慨何人不切齒。義師徒幼才雄偉。食牛

猛氣於菟似。十歲學兵知盡已。將航海外兼知彼。獨

步耽耽來虎視。瞋怒犬羊圖不軌。海天決背立沙甯。

睥睨賊船長劍倚。港口無人舟自艤。萬里之行托一

筆。定遠一朝投筆起。祖狄中流擊楫矢。事覺身投官

府委。對案極言航海理。辭氣抗然期萬死。幕府君臣

膽皆褫。遠算雄圖。雖已矣。膽畧震恐。天下耳。哉。決亦
稱忠。意美。唯問犯邦。嚴禁罪。特恩宥死。斂桑梓。枉作
囚奴。離怙恃。九萬鵬程。飛未徙。斂翼半閨。獄舍庫。鯤
鯨遠水。困螻蟻。鸞鳳失枝。捆棘枳。坐卧一箇。曾不跬
可。憐猛士。肉生脾。猶道君恩。得處此人。世福。豈圖
圖是忠義愛。君填骨髓。上書將。遂部陽。擬乃謀。三
籛惜寸。答讀書。萬卷功。頻累。餘力所。揮文筆。技亦與
名家相角。抵。豈是浮文誇麗綺。滿腔熱血。滌清紙。獄
中日講勤。王旨至誠。感動幾。幾宛謂尊。王室張
網紀。以攘夷狄。拾青紫。嗚呼。而年昌平。恭之否。天變

地妖荐大傀。天將大任降之子。行拂所為。良有以。用
猛他年必倍蓰。天下人人。剖目候期。子遠征。執鞭弭。
蠻狄伏罪于戈止。何日押中出。虎兇橫行。五大全州。
裏。豺狼犬豕。從驅使。墨戍。嘆佛俱風靡。太平磐石固。
基趾。樹立大東。神國體。皇統聯綿傳。劍璽國祚。
萬年京。又稱功業如此真罕比。特董英名。載國史。曰
二十一回猛士。吉田寅次義鄉氏。

如此大非。僕可。飛當也。然得之。可。以。特。同。因。
美。向。時。話。藝。國。本。原。氏。餘。以。見。聯。臣。指。侯。而。免。

贈救梅太郎

君不見凌雲拔木板。可製舟船載重行。又不見冒雪
梅花子。可調鹽味作和羹。最是歲寒松百尺。可供棟
梁夏屋營。叔氏通稱梅太郎。家世住居松下城。姓氏
通稱居住所。與他花木同芳名。努力君頌名實稱。可
人而不如非情。君屬郡官主戶籍。記載防長二國賦。
五十萬人人命重。勿沈杉板誤蒼生。當今方兆外夷
寇。為恐國家內亂生。君善調和郡縣政。勿失鹽梅起
訟爭。嗚呼癸丑甲寅變亦大。幕府與夷城下盟。堂堂
神國傾將覆。天下誰能獨力撐。君家賢弟以身任。一
木持支大厦傾。不幸同根千里飯。鄉土經霜冒雪益

堅貞感君友愛相培養。連枝鬱鬱歲寒榮。我知他日
支傾覆。棟梁松下二難兄。

輓澁木生

審夷航海計何長。事覺幽因病且亡。知汝憤魂喚不
得。騎鯨飛渡大東洋。

憤二字善寫生真。入非字非
之非字誰知之
其吉短其意則長。洪生

以是
聊矣

輓松齋村田翁

余以四月廿二日。訪翁於沢江山莊。告別而
飯未幾。君上特命。使翁力病以起。再參國

政許以來輻登城。且杖於殿上。蓋異數也。乘
命之明日病發。終不起矣。訃至慟哭。悵然成
詠。實易箒後七日。乙卯六月朔也。

明主敬賢。息禮優。如何遠向道山游。傷心一別成千古。
齋志參謀。復十州正氣。應充天地塞。英靈願作鬼神留。
萬方多難。亾元老切恐。邦家珍瘁憂。

又赴荻府

此行兼益田。彈正大夫內職。赴其來

村間說法。審夷情。要化毒氓。作我兵。應請津梁。沿海
地。一年三度入荻城。唯得皆詩

雨中入須佐

大波渾浩。聞魚龍。溟海層雲欲。攬胸。万岳千山須佐

路。滿天風雨一簑衝。知乃冒飲。詩十有兵

涵翠園

為須佐已卒。益田願所居

湛湛池中水。鬱鬱園中松。倒映臨池上。涵翠影重重。
枝應栖白鶴。幹自羅蒼龍。聞君家世古。姓系自伊東。
連綿七百歲。世未隕其宗。猶似斯松翠。千歲耐三冬。
美材深揀用。大厦已登庸。不屈後凋節。以成扶植功。
園中一樹陰。遂敷庇翬封。

鶴居園

為荻野翁居

須佐江山勝。彷彿似西湖。雨奇晴亦好。風光画不如。

江邊高隱士。狡狴仙骨耀。諧歌善國雅。風騷似林逋。
昂昂千載鶴。枉駕大夫車。賁臨高士宅。啖疾相和呼。
一曲仙禽調。懸與凡鳥殊。德音不可忘。名園曰鶴居。

曰西湖曰林逋伏時時顯○昂昂二句予有送
化吾邑渡邊翁題園排律亦有名園曰鶴居之
句但公例裝
為結乃妙

重陽後二日登須佐神山賦奉呈邑主彈正益

田大夫。

維我長門溟海北。神山高聳標神國。挺然斗出大洋
中。障得頰波不偏仄。吾偶登臨乙卯秋。九月天高遠
望極。而拖朝鮮東韃韃。水路望洋接異域。鸞鵬變化

波濤白。蛇龍出沒風雲黑。或有火輪轉電光。戰艦飛
來喚佛賊。誰折其衝田府君。大封汾海古侯伯。懸門
郭內一千家。溥樸士風存古色。君祖牛庵世所宗。赤
心報國竭精忠。國步艱難治革際。蹇蹇勤勞致匪躬。
封疆為領江山勝。道傍標柱旗元功。爾來世出聰明
主。迨君尤號萬夫雄。文武能承先世業。奢侈豈移遠
代風。所以妙齡才弱冠。萬民具瞻德望崇。當此國家
多事日。天生英雄資興隆。憶昨墨夷船駁浪。突來東
海多無狀。幕議邊防命我侯。侯乃撰君為上將。細柳
建營嚴號令。諸鳥出師鮮銳仗。已為天下任先鋒。期

君一戰止侵掠。和我無用岳家軍。三軍壯士氣凋喪。蠻夷從此益猖狂。覬覦往來西北洋。百里江山形勝地。一旦恐將插犬羊。君近全軍飯亦好。賊衝有主守封疆。固結人心振士氣。變通兵制戒邊防。不負北門鎖鑰任。國威可張夷可攘。吾嘗海內浪遊過。登高未有此重陽。仰望君之功業高天下。永與神山鎮北方。

每段結處輒起下段妙○又曰神山字全篇精神○又曰然頗波字百鍊十磨○又曰固結四句是也○告作者主應二句筆策二句功○又曰結末四句括盡全篇末句最善收○又曰自有神山未有一作斯山得助作頭亦○大夫之榮也○然使斯言無効則斯山與斯作有○大夫是亦大夫○臣大之注也

短刀歌呈彈正益田大夫

尺半短刀百鍊堅。光芒万丈氣衝天。誰哉作者藤清重。世以刀工隸益田。大夫年少真英主。命世才兼文武。去年大任督三軍。相州禦侮猖狂虜。飯來憂國寢食忘。指吾采邑說邊防。乃余清重新鍛鍊。發矟禦列賜秋肅。君不聞大祖創開男子國。比威宝劍立皇極。十握聚雲鬚。切光天威赫赫震殊域。今之海外百蠻夷。銳陣爭誇節制師。步趨進退齊兒戲。鈇槍接戰豈能為。我期忠義磨鋒刃。短刀直入長銃陣。不顧彈丸雨注來。紫電光中霹靂震。千羊萬犬短兵鏖。黑烟

掃盡蒼天高。仰天一笑拭。羶血白日光。寒日本刀。

驚燕水激勝險。而短詩法兵法寸隙不容一語。悠然凜然。歌夜起三軍無聲。

紙鳶

萬里秋晴放紙鳶。掌中誰握一絛權。莫乘風便誤操

使。跋扈恐他飛戾天。

二十八字無限。雖既當路莫解。此味者有幾人。長大息。隨園詩話。載風事詩。任他風信東西。

轉百丈遊絲在掌中。詩雖酷肖。寓意之作。因不妨雷同也。

地震行。或所著震災記曰。大城隍門及樓櫓前。半城四谷諸門大破。其他樓櫓雄堞志。

別落。漫壘石。崩者無慮數。又曰。所在火。起。凡五十八所。又曰。死。已。者。不。下。三。十。萬。人。

又曰。深川及小川坊。夜已深。有物。啾。秋。如。泣。如。訴。至。曉。不。絕。人。以。為。冤。鬼。哭。聲。吉。原。之。上。

唐詩

多見。陰。蟻。蓋。亦。鬼。狂。之。氣。所。結。故。詩。亦。及。之。

維歲安政乙卯冬十月二日夜二更武州江戶征夷
府地震延災及柳營城復于隍陵谷變深木壞乎大
厦頽何者祝融來助虐烟焰漲天天狗行君臣父子
不相救轉輾呼號陷火坑壓死大凡三十萬慘殺白
起沈降兵君不見昔時周室王綱弛蠻夷滑夏迫東
京天道變災頻警戒而卅二年幾變呈地震者五山
崩二聖人持筆載麟經今也四夷交侮我將軍猶未
識親征所以變災相繼至山崩地震海波驚三四年
間十幾變天之警戒太分明變理陰陽任責者姑息

和我飾太平堂。帝國征夷府。甘與大羊城下盟。
皇天。后土諸神祇。赫斯震怒。壞金城。嗚呼。退遇
張。災徒壓死。寧如進戰取。功名。縱使吾軍無大利。一
戰何傷。世萬生。聞說滿城。額屋下。碎頭斷臂。散縱橫。
月黑天寒。雨雪夜。到。噉。噉。鬼哭聲。

上人善把經史。語入詩。並安貼。益深。○白起。此
降。近起。周室。遠伏。進戰。取功名。○著議論。如四
句。們。害。于。然。詩。詩。亦。杜。法。○結
法。注。明。住。俱。字。共。車。行。過。昔。

魚題

多年說法竭精神。草莽間真愛國民。今日藩臺傳內
命。公然許諭二州人。

送薛僧默森之平門

九重淵底。辯龍蟠。比師淵然耳聾口訥言。龍飛上天
沛霖雨。比師議論如雲筆。底翻華僧如龍不可測。自
立一家卓見識。縱橫風生王霸。辯明誰及默森歎。
君不見。滕原嗜奪。朝廷權。王室之風自此遠。源
氏平家相繼起。海內兵戈無止年。相州遂建征夷府。
兵馬大權。飯鬼武。不知京洛有。天皇唯見錄。余存
霸主。爾後又分南北。朝。足利操權。縱北條。可憐九
葉十三世。骨肉相殘。射虎驕。織田未識君臣義。豐臣
亦竊台。櫻位。回視一千餘載間。天王尸位擁虛器。

降至德川任將軍。輕蔑天朝二百春。諸侯東觀倒
冠履。真箇武人為大君。君臣內已濫名分。蠻夷猶夏
何違問。天災地震并人事。為目國家屬末運。天下滄
海莽大夫。劇秦美新獻阿諛。師獨凜然稱天長。千古
英雄一筆誅。故典世人論不合。獨行天下眾孤立。待
時將際風雲會。去向飛鸞嶋裡養。行矣誰諒師大忠。
不如尚友古英雄。到日嶋南河內浦。遺蹟先予鄭成
功。

口羽氏駁此詩。要自正論。惜余未見。其說俱
通。理勢合治。教深恩長。處非設非。念若為得之
矣。若乃尊公丹赤。自信府似。不掛其高。不於成
齊。足以持世。救扶。頭是。固不可。輕也。

題雞苗為秋良政一

胡虜東西擲要津。勤王未見着鞭人。期君夜半聞
斯唱。起向中原靖賊塵。

題林隱士畫為松村氏松村氏者亦報婦人

貞松結子秀靈芝。傍有水仙擎玉卮。預賀君家如此
畫。振振產出好男兒。

歲晏行

歲云暮矣。凜寒風。憂時獨坐草堂中。互市夷人已假
地。射虜將軍空索弓。太平風尚移戎狄。偏重工商不
重農。寶貨洋珍奢侈本。國日困窮倉廩空。見幾高蹈

避將亂。弋人何慕冥冥鴻。顛覆徒循亡宋轍。廟堂宰
執定才庸。鑄砲狂收天下器。未如賀易禁紅銅。識者
建言天地戒。到頭難可破。群蒙爾後三年未決戰。幕
議因循歲復終。

元旦試筆成。最行首尾照應中間。王懷夷
諸之附胎到水無可受計而不見血至其忠厚
變君處何或老杜此稿一卷一篇萬言上全文
矣○羊堂二字亦的確。坐句慧眼。微亦竊
抱此憂○鑄砲二句確論
急務○天地戒。逃。應。首篇

僧月性再拜伏乞

是正

丙辰八月九日

豫寅安評

卷四十四

和漢洋書籍賣捌所



京都寺町通四茶北入町

文求堂 田中治兵衛

